

# Amerindianu

Muntagne luminose è stese pulverose  
U sole per cumpagnu, avanzemu  
Sò fieri i mo guerrieri, arditi i mo archeri  
Mancu ùn si sente un lagnu, cavalchemu

**In lu core di li mei, hè sempre lu veranu,  
Senza timore, sanu parlà cù li Dei,  
U Spiritu Maiò, mai ùn mi stà luntanu,  
E mi parla pianu pianu**

Serenu u mo cininu, riposa nant'à u spinu,  
Di a donna chì s'arca, hè un sorrisu  
Quand'ella dorme infine, sott'à i raggi turchini,  
Di a luna, l'usciu varca u Paradisu

***In lu core di li mei, hè sempre lu veranu,  
Senza timore, sanu parlà cù li Dei,  
U Spiritu Maiò, mai ùn mi stà luntanu,  
E mi parla pianu pianu***

Fora, intorn'à le fiamme, s'adduniscenu l'alme,  
In un cantu vulendu sin'à e stelle  
Da le bocche sfiatate, di li vechji cascate,  
Si sentenu legende è riturnelle

***In lu core di li mei, hè sempre lu veranu,  
Senza timore, sanu parlà cù li Dei,  
U Spiritu Maiò, mai ùn mi stà luntanu,  
E mi parla pianu pianu***

Quandu l'acqua ghjè scarsa, è chì a terra arsa  
Diventa infeconda, noi ballemu  
Aspittendu d'un ghjornu, più bellu lu ritornu,  
E u celu iracondu, noi prechemu

***In lu core di li mei, hè sempre lu veranu,***

***Senza timore, sanu parlà cù li Dei,  
U Spiritu Maiò, mai ùn mi stà luntanu,  
E mi parla pianu pianu***

Figli di i figli mei, stu cantu hè dedicatu,  
A voi, sradicati, affinchè di li Dei,  
Un Spiritù maiò ùn vi stia luntanu,  
Voi Indiani Americani...

*A. Marielli*